

Bingzgoj Gaujcazcu j Bae Lingzyinz Diuyenz Hong Cauhlaeb Minzczuz Doxgiet Baenaj

平果考察组赴凌云调研民族团结进步创建工作

10 nyied 30 hauh, Bingzgoj Si Minzczuz Doxgiet Cauhlaebban bae Lingzyinz Yen gaujcaz hagsib hong cauhlaeb minzczuz doxgiet baenaj. Gaujcazcu j gonqlaeng ngonzyawj le aen lizsijgvanj、Haugunhhuz daengj diegbaeyouz laeng Yauzczuz Yangh Mbanjhaugunh, diuyenz le aen denz-yenz cunghhozdi j caeuq youzczaz、gonengznuengx、nonsei daengj canj-nieb Mbanjbingzvaiz, caenndang gamjsouh gij bienqvaq dieg de: Mbanjgungzhoj bienq diegbaeyouz, vunzmbanj youq bakranz couh dawz “vanjlijyouz” gwn hwnj “haeuxlij-youz”, aeu dangjyenz guhdaeuz daz-yinx gak minzczuz beixnuengx guh canjnieb miz daegsaek daengj. Gaujcazcu j daj gij guhfap ndei Lingzyinz hag ndaej haujlai doxgaiq. Baezlaeng Bingzgoj aeu hopndaet “aeu minzczuz doxgiet coicaenh laj-mbanj saenqhwngh” aen cawjdae z neix, yawj dieg bae haivat daegsaek Bingzgoj, doidoengh hong cauhlaeb minzczuz doxgiet baenaj si de yamq hwnj mbaek moq.

(Lij Gyanghlanz / 李江兰)



▲Gak doih doxdax diuq fouxdohyeh.

Vunzlai Diuq Dohyeh Haenh Aen Dangj 千人跳多耶颂党恩

Mboengqneix, Sanhgyangh Dungcu z Swciyen guh Gaiq Daih Cibbet Cunghgoz (Liujcouh • Sanhgyangh) Ciet Dohyeh Dungcu z caeuq Gaiq Daihroek Dohyeh Doxdax Dungzczuz. Daengx yienh miz sameib ngeih aen doih cien lai boux gak minzczuz beixnuengx doxcomz Dohyeh Gvangjicangz. Gyoengqde eu fwen diuq fouxdohyeh haenh aencingz aendangj、angqhoh bineix sou ndaej lai. Neix mboujdan coicaenh minzczuz doxgiet, langhbaij gij vwnzva minzczuz, lij yienh-ok gak minzczuz vunzlai Mbanjdung gyo-mbaiq aendangj、dingq vah aendangj、ciengxlwenx riengz aendangj baenaj.

(Gungh Bujangh / 龚普康)

Doeg Ginghdenj Cunghvaz,Cienz Vwnzva Minzczuz 读中华经典，传民族文化

Vihle fatyien z vwnzva ndei minzczuz, ciepcienz vwnzva ginghdenj Cunghvaz, dazyinx gyoengq lauxsae lwghag doeg sei ceiz、faenzcieng ndei, hauj vwnzva hagdangz engq naekna. Mboengqneix, Gveigangj Si Cinzdangz Gih youq Mungzgungh Cin Minzczuz Cuhgiz Cungh-yoz guh aen hagdangz doxdax aeu Vahcuengh doeg ginghdenj Cunghvaz. Gyoengq lauxsae、lwghag laeng 9 aen Cuengh、Gun song vah hagdangz Mungzgungh Cin camgya doxdax. Gyoengqde ndangdaenj buhvaq minzczuz, ndaek coenz ndaek coenz doeg ndaej raeuz ndei youh miz gamjcingz. Bouxboux cungj gak yienh’ok daegsaek daeu j. Doxdax sat le, doeklaeng caiq bingzciengj, lauxsae miz roek boux ndaej itdaengjciengj, caet boux ndaej ngeihdaengjciengj; lwghag miz caet boux ndaej itdaengjciengj, cibsam boux ndaej ngeihdaengjciengj. Mbat doxdax ndaej langhbaij gij yienghndei gyoengqvunz, hauj gij ndwen-ngoenz lwghag engq mizyinx, caemhcai q coicaenh Cuengh Gun son’ gyauq, hauj ginghdenj haeujsim haeujuk.

(Veiz Libingz / 韦丽平)

Gojgaeq Dinj Minzczuz Doxgiet Baenaj Laeng Gvangjsih 广西民族团结进步小故事

Vajsi Fuhyinz Buetrem Cien Leix Hoenx Caeggeq Yizbwnj Bouxboux Haenhndei 瓦氏夫人千里驰骋抗倭传佳话

“Bouxvahvaj, ndaej gaj caeggeq Yizbwnj”, hot fwen neix riuzcienz youq Gyanghsuh、Cezgyangh, haenh Vajsi Fuhyinz bouxyinghyungz Bouxcuengh hoenx Yizbwnj. Vajsi Fuhyinz heuhguh Cwnz Vah, dwg dahlwg bouxcihcouh Gveihsuncouh (seizneix Gvangjsih Cingsih Si) Cwnz Cangh, mehyah bouxhakdoj Denzcouh(seizneix Denzdungh Yen)Cwnz Mungj.

Seizde, caeggeq Yizbwnj daeu j ciemq Gyanghsuh、Cezgyangh, henz haij geij cien leix cungj bauq naeuz cingzgvang gaenjgip muengh ciuzdingz vaiqdi okbing. Seizde, Vajsi Fuhyinz yaek ndaej roekcib bi, de doq cingjgouz hauj de guhdaeuz daiq bouxlaenj iq okciengq. Ciuzdingz hauj de aen ginhhanz “Guenvunzmeh Canhcieng Cungbingh”, daiq roek cien lai boux binghak Gvangjsih buetrem cien leix bae dwk caeggeq Yizbwnj. Vajsi Fuhyinz daiq gyoengq bing youq gak dieg laebdaeb hoenxcienq, cei q gyae baihdoeng daengz Sanghaij Yen、baihsae daengz Gyanghghingh Fuj、baihnamz daengz Ginhsanh Vei、baihbaek daengz Guhsuh Cwngz, hoenx gvaq cib lai ciengz ciengq, lumjbaenz Ginhsanh Vei、Vangzgyangh Gingh、Luzgingh Ba、Celinz、Sanghhil daengj ciengq. Gyoengqde youq Ciengzciengq Ginhsanh Vei gaj le sei q cien lai boux vunzdig, hauj vunzlai henz haij engq miz gietsim bae dingjhoenx caeggeq Yizbwnj. Vajsi Fuhyinz “hoenx sam baez hingz sam baez”, goenglauz yienhda, ciuzdingz heuh de guh “Ciengqvunzmeh Sigdaengx”, caiq fung de guh “Ngeihbinj Fuhyinz”.

Vajsi Fuhyinz mboujdan dwg bouxyinghyungz Bouxcuengh mizmingz ndeu, caemhcai q dwg mehyinghyungz hoh gya henz guek ciuhgeq Cungguek. Daengz seizneix vunzlai cungzlij haenhdanq caeuq boiqfug de youq mwh minzczuz miz nanh seiz ndaej ndwn okdaeuj. Raeuz aeu daihdaih ciepcienz gij cingsaenz gya ez guek de. (Gvangjsih Minzczuz Yenzgiu Cunghsinh hauj gauj)

